

আডহক ভিত্তিতে দেড় হাজার শিক্ষক নিয়োগ হচ্ছে

■ সাক্ষর নেওয়ার

চিকিৎসক নিয়োগের পর এবার আডহক ভিত্তিতে দেড় হাজার শিক্ষক নিয়োগের পরিকল্পনা করছে মহাজোট সরকার। নিয়োগপ্রাপ্তদের সরকারি হাই স্কুলের 'সহকারী শিক্ষক' হিসেবে পদায়ন করা হবে। সরকারি হাই স্কুলের শিক্ষকপুন্যতা পূরণের জন্যই এ নিয়োগ দেওয়ার চিন্তাভাবনা করা হচ্ছে বলে শিক্ষা মন্ত্রণালয় থেকে জানা গেছে। আগামী ২৯ সেপ্টেম্বর মন্ত্রণালয়ের সভাকক্ষে শিক্ষা সচিবের সভাপতিত্বে এক সূর্যায় নিয়োগ বিষয়ে চূড়ান্ত সিদ্ধান্ত নেওয়া হতে পারে।

মন্ত্রণালয় সূত্র জানায়, ভবিষ্যৎ নিয়োগ জটিলতা এড়াতে এ নিয়োগকে আডহক না বলে 'জরুরি নিয়োগ' হিসেবে সভার কার্যপত্রে অন্তর্ভুক্ত করা হচ্ছে। সরকারি মাধ্যমিক বিদ্যালয়ের 'সহকারী শিক্ষক' পদটি তৃতীয় শ্রেণীর পদমর্যাদার। নিয়োগবিধি অনুসারে, সরকারি প্রথম ও তৃতীয় শ্রেণীর সব পদে পাবলিক সার্ভিস কমিশনের (পিএসসি) মাধ্যমে জনবল নিয়োগের বিধান রয়েছে। সে হিসেবে এই শিক্ষক নিয়োগও পিএসসির মাধ্যমেই হওয়ার কথা। পিএসসির নিয়োগ প্রক্রিয়া প্রথ হওয়ার দ্রুততার সঙ্গে পূন্য পদ পূরণ করার জন্য অস্থায়ী ভিত্তিতে (আডহক) নিয়োগের পরিকল্পনা করা হচ্ছে বলে জানিয়েছেন মন্ত্রণালয়ের একজন যুগ্ম সচিব।

এর আগে ২০১০ সালে সরকার আডহক ভিত্তিতে সাড়ে চার হাজার চিকিৎসক নিয়োগ দিয়েছে। ওই চিকিৎসকরা এখনও চাকরিতে স্থায়ী ও নিয়মিত হতে পারেননি। তাদের নিয়মিত হতে গেলে পিএসসি পরীক্ষার মাধ্যমে হতে হবে। চাকরি পাওয়ার তিন বছর পর এখন তাদের অনেকেই আর পরীক্ষায় বসতে রাজি নন। মাধ্যমিক ও উচ্চশিক্ষা অধিদফতরের পরিচালক (মাধ্যমিক) প্রফেসর সজল কাতি মওল সমকালকে বলেন, সরকারি মাধ্যমিক বিদ্যালয়ে শিক্ষকের পূন্য পদ পূরণের জন্য শিক্ষা মন্ত্রণালয়কে প্রত্যাব দেওয়া হয়েছে। এ বিষয়ে শিক্ষা পৃষ্ঠা ১৫ : কলাম ৫

আডহক ভিত্তিতে দেড় হাজার

(শেখ পৃষ্ঠার পর)

মন্ত্রণালয় জনপ্রশাসনকে পত্র দিয়েছে। মন্ত্রণালয় সূত্র জানায়, জনপ্রশাসন মন্ত্রণালয়ের ইতিবাচক মত পাওয়া গেলে অর্থ মন্ত্রণালয়ের অনুমোদন চাওয়া হবে। এ বিষয়ে জানতে চাইলে মাউপির মহাপরিচালক প্রফেসর তাহিমা বাতুন বলেন, শিক্ষকসংস্কারের জন্য সরকারি হাই স্কুলগুলোর শিক্ষা কার্যক্রম ব্যাহত হচ্ছে। এরই মধ্যে বেশকিছু শিক্ষক অবসরে চলে যাওয়ায় ২০১৪ সালে এ সংকট আরও তীব্রতর হবে। কাজেই জরুরি ভিত্তিতে শিক্ষক নিয়োগ দেওয়া প্রয়োজন।

সিনিয়র শিক্ষকের পদ সৃষ্টি হচ্ছে। সরকারি মাধ্যমিক বিদ্যালয়ে সিনিয়র সহকারী শিক্ষক পদ সৃষ্টি করা হচ্ছে। মাউপি পরিচালক প্রফেসর সজল কাতি মওল সমকালকে বলেন, বর্তমান চাকরিবিধি অনুসারে দীর্ঘ দিন চাকরি করেও বহু শিক্ষক সহকারী প্রধান শিক্ষক হতে পারেন না। এ কারণে মোট সহকারী শিক্ষকের ৫০ ভাগকে পদোন্নতি দিয়ে 'সিনিয়র সহকারী শিক্ষক' পদ সৃষ্টির জন্য গত মগরে মাউপি প্রস্তাব জমা দিয়েছে শিক্ষা মন্ত্রণালয়ে।

প্রধান শিক্ষক পদে পদোন্নতি ২৩ সেপ্টেম্বর : ৩১৭টি স্কুলের মধ্যে ২১৪টিতেই এখন কোনো প্রধান শিক্ষক নেই। প্রধান শিক্ষক পদে উন্নীত করতে আগামী ২৩ সেপ্টেম্বর শিক্ষা সচিব ড. কামাল আবদুল নাসের চৌধুরীর সভাপতিত্বে শিক্ষা মন্ত্রণালয়ে বিভাগীয় পদোন্নতি কমিটির (ডিপিডি) সভা অনুষ্ঠিত হবে বলে জানা গেছে। একই সঙ্গে জেলা শিক্ষা অফিসারদের পূন্য পদও পূরণের উদ্যোগ নেওয়া হয়েছে।